



SAKSPAPIR

Saksnr	Utval	Type	Dato
08/2022	Bygdeutviklingsutvalet	PS	19.04.2022

Sakshandsamar	Arkiv	ArkivsakID
Tore Henrik Øye	FE-223	22/194

HANDSAMING AV SØKNAD OM BYGDEUTVIKLINGSMIDLAR TIL GARDSLEIR VED HESJEDAL GARD I SOMMARFERIEN 2022

Vedlegg:

Søknad om bygdeutviklingsmidlar - Arrangere dagsleir på Hesjedal Gard sommaren 2022

Kommunedirektøren sitt framlegg til vedtak:

Sunniva Gammersvik og Elisabeth Vik Hesjedal vert tildelt inntil kr. 30 000,- i bygdeutviklingsmidlar til gjennomføring av gardsleir ved Hesjedal Gard for skuleborn, sommaren 2022 (27.06 - 01.07). Løyvinga utgjer 54 % av budsjetterte kostnadar på kr. 55 000,-.

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå Bygdeutviklingsutvalet sine tilgjengelege midlar for 2022.

Løyvinga skal nyttast til å finansiere deltakaravgifta, og er knytt til budsjetterte utgifter. Lågare, dokumenterte utgifter kan gje lågare tilskot.

Tilskotet vert betalt ut etter innsending av sluttrapport med kostnadsdokumentasjon. Utgiftene må vere knytt til kostnadane i søknaden.

Løyvinga gjeld ut 2023. Etter dette vert midlane trekte attende.

Bygdeutviklingsutvalet - Sak 08/2022

BYG - Behandling:

Utvalet drøfta saka.

Arne Normann, Krf la fram følgjande forslag til endring av tildelingssum:

BU støttar tiltaket med kr 20.000.

Kommunedirektøren sitt framlegg til vedtak vart sett opp mot Arne Normann sitt forslag til tildelingssum.

Arne Normann sitt forslag vart vedteke med fire stemmer (Edvin Hesjedal, H, Evy Kvamme, SV,

Ståle Hesjedal, Ap, Arne Normann, Krf) mot 1 stemme (Line Eide Vik, Sp).

BYG - Tilråding/Vedtak:

Sunniva Gammersvik og Elisabeth Vik Hesjedal vert tildelt inntil kr. 20 000,- i bygdeutviklingsmidlar til gjennomføring av gardsleir ved Hesjedal Gard for skuleborn, sommaren 2022 (27.06 - 01.07).

Vedtaket er fatta med bakgrunn i «Retningsliner for tilskot til bygdeutvikling». Løyvinga skal takast frå Bygdeutviklingsutvalet sine tilgjengelege midlar for 2022.

Løyvinga skal nyttast til å finansiere deltakaravgifta, og er knytt til budsjetterte utgifter. Lågare, dokumenterte utgifter kan gje lågare tilskot.

Tilskotet vert betalt ut etter innsending av sluttrapport med kostnadsdokumentasjon. Utgiftene må vere knytt til kostnadane i søknaden.

Løyvinga gjeld ut 2023. Etter dette vert midlane trekte attende.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 500 000,- i tilskotsmidlar til fordeling etter søknad i 2022.

Sunniva Gammersvik og Elisabeth Vik Hesjedal søker om kr. 30 000,- i bygdeutviklingsmidlar til gardsleir for skuleelevar i sommarferien -22, frå 27.06 til 01.07. Samlinga skal haldast ved Hesjedal Gard, med vekt på trening og stell av hest og hund. Det er plass til 10 deltakarar.

Kostnadane med leiren er rekna til kr. 55 000,-, og eit tilskot frå Bygdeutviklingsutvalet skal nyttast til å redusere deltakaravgifta.

Kommunedirektøren vurderer at leiren er i samsvar med føremålet til bygdeutviklingsmidlane. Det vert lagt spesiell vekt på at tiltaket er aktivitetsfremjande og meint for born, med læring og meistring som viktig innhald.

Kommunedirektøren går inn for å løyve inntil kr. 30 000,- i tilskot, i samsvar med søknadsbeløpet. Løyvinga utgjer 54 % budsjetterte kostnadar.

Bakgrunn for saka

Bygdeutviklingsutvalet forvaltar ei tilskotsordning for å fremje bygdeutvikling i kommunen, med inntil kr. 500 000,- til fordeling mellom søkjarar i 2022.

I søknad av 14.02.22 søker Sunniva Gammersvik og Elisabeth Vik Hesjedal om kr. 30 000,- i bygdeutviklingsmidlar til å gjennomføre gardsleir ved Hesjedal Gard for born frå 5. klasse og oppover. Søknaden utgjer 54 % av budsjetterte kostnadar på kr. 55 000,-. Tilskot skal nyttast til å finansiere deltakaravgifta, slik at leiren vert rimelegare å vere med på. Det er òg søkt om tilskot frå andre kjelder.

Planen er gjennomføre leiren frå 27.06 til 01.07.22. Leiren er meint for dei med interesse for hund

og hest. Søkjarane skal vere arrangørar, og har sjølv kompetanse innanfor felta. Sunniva Gammersvik, som skal ha ansvaret for hesteaktivitetane, har drive med hest sidan barndommen. Ho har gått på Voss jordbruksskule, og er utdanna musikkpedagog.

Elisabeth Vik Hesjedal driv Hesjedal Gard. Garden er godkjent som "Inn på tunet-gard", og er tilrettelagt for ulike aktivitets- og opplæringstilbod. Elisabeth er utdanna vernepleiar, hundetrenar og instruktør, og skal ha ansvaret for aktivitetane knytt til hund. Gjennom sitt daglege arbeid kjenner ho godt til å ha grupper på garden, for ulike opplevingar og pedagogiske opplegg.

Leiren har plass til 10 deltakarar, med tilbod heile veka, frå måndag til fredag. Det vil bli lagt vekt på grunnleggjande opplæring i handtering, trening og stell av hest og hund. Føremålet er å gje eit praktisk, opplevingsrikt og lærerikt tilbod for deltakarane.

BUDSJETT/ØKONOMI

Kostnadane med tiltaket er budsjettetert til kr. 55.000,-, fordelt på følgjande utgifter og inntekter:

	UTGIFTER	INNEKTER
Leige av anlegg:	kr. 5 000,-	
Mat og diverse:	kr. 5 000,-	
Løn til assistentar	kr. 5 000,-	
Løn til to instruktørar	kr. 40 000,-	
<u>Deltakarinntekter</u>		<u>kr. 55 000,-</u>
<u>SUM</u>	<u>kr 55 000,-</u>	<u>kr. 55 000,-</u>

Eit tilskot frå Bygdeutviklingsutvalet skal nyttast til å finansiere deltakaravgifta, slik at terskelen for å delta vert lågare enn elles. Det er òg søkt Stamnes Idrettslag og "Liv og Lyst" om tilskot til same føremål.

Formelt grunnlag:

- Kommuneleva - generelle sakshandsamingsreglar.
- Retningslinjer for tildeling av midlar frå Bygdeutviklingsutvalet", vedtekne 26.05.20:

<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar:

Søknaden om tilskot til gardsleir i sommarferien innfrir tilskotsordninga sine retningslinjer om krav til innhald, og kven som kan søkje om midlar (mellom anna lag/organisasjonar og enkeltpersonar).

I følgje retningslinjene skal bygdeutviklingsmidlane vere til ålmenn nytte, og stimulere til levande bygdeliv, mellom anna i form av ulike kurs, møteplassar og samlingar. Midlane skal kome mange til gode, skape trivnad og medverke til aktivitet som er tilgjengeleg for "alle". I dette høve vart det på strategimøtet i Bygdeutviklingsutvalet den 8. mars, semje om å leggje spesiell vekt på aktivitetsfremjane tiltak og prosjekt.

Kommunedirektøren vurderer at gardsleiren det vert søkt om midlar til, samsvarer godt med føremålet som bygdeutviklingsmidlane skal fremje. I dette høvet vert det vektlagt at leiren er for born, og at den skal haldast i sommarferien, som eit tilrettelagt aktivitetstilbod med fokus på oppleving, læring og meistring.

Bruk av moglege tilskotsmidlar til å finansierer/reducere deltakaravgifta, vert sett på som ei god innretting.

Bygdeutviklingsmidlane sine retningslinene seier at det skal takast omsyn til geografisk fordeling ved fordeling av midlane, og om bygder har fått tilskot ved tidlegare høve. Fleire søkjarar kring Stamnes har motteke midlar, men ikkje gjeldande søkjar. Tidlegare løyvingar til området vert ikkje vesentleg vektlagt ved handsaming av søknaden.

Grunna innhald og karakter, prioriterer Kommunedirektøren gardsleiren høgt, og går inn for å tildele kr. 30 000,- i bygdeutviklingsmidlar, i tråd med søknadsbeløpet (54 % finansiering).